



partii naleraq

Nuuk 26.sep. 2019

UKA 2019/154

Jens Napătôk, Partii Naleraq

**Uunga siunnersuut: Ilanniartut ineqarfii pillugit Namminersorlutik Oqartussat  
inatsisaat nr. xx, xx. xxx 2019-imeersoq. Forslag til: Inatsisartutlov nr. xx af xx. xxx  
2019 om kollegier. (Ilanniartitaanermut, Kultureqarnermut, Ilageeqarnermut  
Nunanullu Allanut**

Naalakkersuisoq / Naalakkersuisoq for Uddannelse, Kultur, Kirke og Udenrigsanliggender)

Kolligiat pillugit inatsississaq suli ullulerneqarlunilu ukiulerneqanngitsoq Naalakkersuisut saqqummiussaat pillugu Partii Naleqqamiit isumatut oqaaseqarfingissavarput.

Nunami isorartuumi najaqartuunerput aammalu ilanniartut pitsasumik ineqarlutik ilinniarnissaanut pingaaruteqarluinnartut ilagaat Kolligiat

Pitsasumik ilanniartut ineqarnissaat tamatumalu atugaqarnissaat Partii Naleqqamiit pingaartututut isigaarput.

Sineriatsinni kolligiani allaffisornermi ingerlatsiviit arfineq marluusut aammalu taakkunani inissiat 1700-usut saqqummiuppai.

Ilanniartut ineqarfii pillugit Namminersorlutik Oqartussat inatsisissaattut siunnersuummi pineqartut ilagaat, inimut akiliuteqartarnissaq aammalu kiassarnermut imermut qullernerlu akiliuteqartalernissaq atuineq naapertorlugu.

Taamatullu eqqunniarneqarpoq isertitaqarneq naapertorlugu akiliuteqartitsisalernissaq aammalu siumoortumik qularnaveerusiisalernissaq.

Aningaartuuteqarnerlernissaat ilanniartut uani piniarneqarpoq, uggornarpoq taamatut ilinniartut ilinniarnersiutaat allannguviginngivillugit maannakkut kaasarfianiit aallerifiginiarneqalermta, tamannali Partii Naleqqamiit pissusissamisuunngitsutut aammalu akuersarneqarsinnaangilluinnartutut isigalutigu.

Ilumoorsinnaanngilarmi nioqquutissat ulluinnarnilu inuuniarneq ukiorpassuarni akitsoriartorsimaneranut ilinniarnersiutit allangortittarnagit malinnaatissimangeriarlugit maannakkut qaavatigut anigaasartuuteqarnerulertussangorlugit aaqqisoqarniarneq akueruminaatiinnarnagau akuersarssinnaanatigu isumaqaratta ataqtigiisumik aaqqisoqartariaqarpoq.

Aningaasartuutaasartut allatut aaqqissuussinikkut iluarsiniartariaqarluinnarput inuit kaasarfianiit aalliinnartarneq oqippallaaqaaq pitsaanerusumik eqaannerusumillu aaqqissuusisoqartarnissaa Partii Naleqqamiit kaammattutigerusupparput.



partii naleraq

Nuuk 26.sep. 2019

UKA 2019/154

Jens Napătôk, Partii Naleraq

Kolligiat atorluarneruneruneratigut aningaaasarsiornerusinnaapput aammalu aamma  
kolligianuunnaanngitsoq atorluarneqarsinnaasut ilagaat nuna sanilerisatta atortagaat,  
tassalu atuarfiit aasakkut unnuisarfingorlugit aaqqissuususarisnerat.

Atuisunut ingerlatsinermullu aningaaasartuutikinnerulersitisinissamik anguniagaqarneq  
paasitsinsiaanerunkut anguniarneqarsinnaasoq Partii Naleqqamiit isumaqarpugut  
aammalu aningaaasartuutaasunut ikorfartuutaasinnaasunik ujaasinissaq  
pikkoriffigerusariaqarluinnarpugut.

Boligsikring-imut tunngasoq aningaaasartornerunermik pilersititsisussaavoq, tassalu  
allaffisornerunerlernissamik ila inatsiliortuarnermut qimanniarsariniartigu, Partiimmi  
oqaluttuarpugut allaffisornerup annikinnerulernissaat.

Akit qaffaanissat akerleraagut aammalu ilinniartut kaasarfiiinit aallernissaq akerlaraarput  
akerlianik pikkorinnerusariaqarluta arlaatigut qanoq iliorluta atorluarnerusinnaanerat  
aasakkut atorluarsinnaanerat aaqqutissiuuttariaqarpagut.

Illoqarfinni piumasaqaataasoq, tassalu sumiiffimminni ukiut marluk piumasaqaat, tassalu  
Nuummi kolligiani initaarniassaguit aatsaat Nuuk avataani ukiut marluk najugaqarsimaguit  
aatsaat aaqqutissiuunneqassasut. Taamaammat kissaatiginarpoq  
immikkoortsisoqarunnaarluni nunap inui assigiinnerusumik isigalugit  
aaqqissuussisoqarnissaa.

Takornariaqarnikkut siuarsaaruspappugut, nalunngilarpullu aasakkut takornarissat  
amerlanerpaartaat tikittartut. Nuna sanilerisagut ilinniarfigalugit aammalu init  
inoqannginnerat ilutigalugu kolligiat aasakkut unnuisarfittut hotel-iusannguatut  
atortalerniartigit

Ilannngullugu kommunit suleqatigalugit Naalakkersuisut iliuuseqarnissaat  
kaammattuutigerusupparput aassakkut meeqqat atuarfii inerpassui atorluartannginneri  
taamatullu kolligiat ineeqqat atorluarneqartannginneri atorluarneqarnerunissaat  
siunertaralugu naleqqussaavigisinnaanginnerippot kolligiat atuarfiillu unnuisarfittut  
atorsinnaannginneraat aasaanerani namminersortumut innarliinngitsumik.

Taamatut oqaaseqarluta allaffisorneruleritsinissamik pilersititsiniaqqinnej  
naaggaarpalput aammalu ilinniartut kaasarfiiinit aallerniarsarineq naaggaarpalput.

Allatut periarfissanik ujaasisoqarniarli



partii naleraq

Nuuk 26.sep. 2019

UKA 2019/154

Jens Napătôk, Partii Naleraq

Inuit sulinerulernissaat anguniarpaput, taava sooq ilinniartut saniatigut sulineruppata isertitaanik arsaatulissuagut boligsikring-itigut allatigullu arsaartortussanngorlugit, uanimi anguniarneqarmat inatsisisami bolig sikrig aallaaviulissasoq.

Naamik 850 kr aammalu 1600 kr naammappoq allanngueqqinnata nutaamik eqqarsarniarta – ilinniartortagut akissatigut nalimmassaariffiqineqarsimannngereersut kaasarfianiit aalleqqinissaq naaggaarluinnarpaput.

Neriuppugut partiit allat uatsituulli naaggaassagaat ilinniartut akiliinerulernissaat.

Taamatut oqaaseqaateqarluta siunnersuut isikkumisuut saqqummiunneqartoq isumaqataaffiginatigu saqqummiupparput.

Siunnersuut ingerlaqqissappat ataatsimiitaliami aningaasat ilinniartut kaasarfiaaniit aanagit allatut aaneqarnissaanik nassaartoqanngippat peqataanaviangilluinnaratta erseqqissaassutigereerlutigu.

Neriuppugut ilinniartunut ajorseriaataanngitsumik aammalu kaasarfiianut aallerfiunngitsumik aaqqiisoqassasoq qujanaq.